



Juuni 2023

Kalaallit Peqqissartut Illuanni qanigisaasutut najugaqarneq



Kalaallit Peqqissartut Illuat

Kalaallit Peqqissartut Illuat tassaavoq kalaallit Danmarkimi peqqissarnerminni najugaqarfigisartagaat. Qatserisartut aalajangersagaat pissutigalugu, immikkoortortani 57-ini inuit 110-it sinneqqusaanngillat. Aallaqqaammut illu sananeqarmat init kisermaattarissat 53-iusimapput ilaqtariinnulu inissiat sisamaasimallutik. Pisariqartitsinerup annertunerujussua pissutigalugu inissaalatsisoqarmat, init 15-it marluuttaganngortinneqarput.

Qanigisaasut innersuussat najugaqartitaasernerat

Region Hovedstaden-imi nakorsartittussat” *napparsimasup najugaqarfimmi avataani misissorneqarnerani katsorsarneqarneranilu kiffartuussinerit pillugit Namminersorerullutik Oqartussat nalunaarutaat nr. 2, 24. januar 2005-imeersoq*” naapertorlugu, pingaarnertut qanigisaasumik ataatsimik ingiallorteqartoqarsinnaavoq. Tamatumani pingaarnertut qanigisaasup Kalaallit Nunaanni Peqqinnissaqarfimmit innersuunneqarsimanissaa piumasaqaataavoq.

Kina qaniginerpaasaava?

Napparsimasup nammineerluni aajalangertassavaa kina qanigisatut pineqassanersoq. Tassaasinnaavoq inooqatigisaq / aappaasoq, ilaqutaasoq imaluunniit ikinngut.

Qanigisaasut innersuunneqartut ineqarnerat nerisaqarnerallu

§11. Ingiaqataatitat meeraaqqallu ilagineqartut, §§ 7-10-ni malittarisassat naapertorlugit peqqinnissaqarfiup akiligaanik angalasut, angalanermi najugaqarnermilu nerisaqarnissamut najugaqarnissamullu pisinnaatitaaffeqarput.

Imm. 2. ingiaqataasunut § 7-mi taaneqartunut nerisaqarnissamut najugaqarnissamullu pisinnaatitaaffiit angallanikkut angerlamut aqutissap siulliup tungaanut atuupput.

Imm. 3. ilaqtannut qanigisanulluunniit § 8-mi taaneqartunut nerisaqarnissamut najugaqarnissamullu pisinnaatitaaffiit napparsimasup perulukkunnaarnissaata tungaanut atuupput.

Pingaarnertut qanigisaasut innersuunneqartoq napparsimasup Region Hovedstaden-imiinnerani, napparsimmavimmilu uninnganerani Kalaallit Peqqissartut Illuanni najugaqarlunilu nerisaqarsinnaavoq.

Qanigisaasut allat innersuunneqanngitsut:

Napparsimasoq qanigisaminik ingiallorteqartussatut innersuunneqanngippat:

- Piffissami pineqartumi napparsimasullu pisariaqartitsinera eqqarsaatigalugit, Kalaallit Peqqissartut Illuanni inissaqarneq naliliivigineqassaaq.
- Napparsimasoq inigisamini qanigisaminik ataatsimik ineqateqarnissaa akuerineqassappat, sulisut allakkatugut isumaqatigissuteqarfigineqaaqqaassapput.
- Napparsimasoq inigisamini kisimiissaaq.

Taamaattoqassappat qanigisaasoq Kalaallit Peqqissartut Illuanni akeqanngitsumik nerisaqarlunilu ineqassaaq.

Napparsimasup napparsimmavimmi uninnganerani qanigisaasoq Kalaallit Peqqissartut illuanni ineqarsinnaanngilaq, akunnittarfimmiinnissaalu Kalaallit Nunaanni Peqqinnissaqarfiup akiligissarinngilaa.

Kalaallit Peqqissartut Illuanni najugarnermut atatillugu angallanneqarneq

Kalaallit Peqqissartut Illuannut tassanngalu angalanissat aaqqissuullugillu akilernissaat, qanigisaasup nammineq akisussaaffigai. Kalaallit Peqqissartut Illuata bussiani inissaqarpat qaniginerpaasaq ilaasinnaavoq. Tamanna sulisunut isumaqatigiissutaaqqaassaaq.

Qanigisaasut allat

Ikuallattoorsinnaanermut isumannaallisaanermut atatillugu napparsimasup inigisaani inuit pingasuusinnaanngillat

Ingiallortaasup saniatigut qanigisamik allamik ilaqarnissaq napparsimasup kissaatigippagu, inissiat arlaanni inissinneqarsinnaaneq qinnutigineqassaaq. Inissiaq qaammammut 6500 koruunik akeqarpoq.

Oqalutseqartarneq

Napparsimasut kisimik oqalutseqarnissaannut aningaasaliisoqarnikuvoq

Qanigisaasut Danmarkimilu aningaasartuutit

Inuit Kalaallit Nunaanni najugaqartut, sumi najugaqarnermut uppersaammik atuuttumik takutitsinikkut, Danmarkimiinnermini tassanngaannartumik napparsimalermermi imal. nappaatigeriikkap ajorseriataarnerani, akeqanngitsumik nakorsarneqarnissamut pisinnaatitaaffeqarput. Taamaammat qanigiaasup sumi najugaqarnermut uppersaammik nassataqarnissaa pingaaruteqarpoq. Nunatta avataanut angalanermi, tamatigut nammineq inuttut sillimasernissaq Peqqinnissaqarfimmit innersuussutaavortaaq. Qanigisaasut Danmarkimiinneranni peqqinnissakkut sullinneqarnermut aningaasartuutit, Kalaallit Nunaanni Peqqinnissaqarfimmit akilerneqartanngillat.

Danmarkimiikkallarnermi nakorsamiit ikiorneqarneq

Qanigisaasut nakorsiarnissartik pisariaqartilissagunikku nakorsiarnissartik nammineq akisussaaffigaa.

Nakorsaatit

Qanigisaasup nakorsaatiminik naatsorsuutigisamik Danmarkimiinnissaq tamaat naammattunik nassarnissi nammineq akisussaaffigaa.

Danmarkimiikkallarnermi nakorsamiit ikiorneqarneq

Qanigisaasut nakorsiarnissartik pisariaqartilissagunikku nakorsiarnissartik nammineq akisussaaffigaa.

Kalaallit Peqqissartut Illuat Århusgade Lægehus-imut isumaqatigiissuteqarpoq, tassungalu attaveqartoqarsinnaavoq: Oqarasuaatikkut: +45 35382570 (siarnerfissaq nal. 08:00-9.00 danskit nalunaaqutaat naapertorlugu)
Sumiiffia: Århusgade 88, 2100 København Ø

Peqqissartut Illuanni sammisassaqtitsisarnerit

Peqqissartut Illuannit sammisassatut neqeroorutaasut assigisaallu, pingaarnertut napparsimasunut naatsorsuussaapput. Qanigisaasoq aaqqissuussanut sammisaqartitsinernullu assigiinngitsunut peqataarusukkuni nammineq akiliisassaaq.

Apeequtissaqaruit

Apeequtissaqaruit tamatigut najukkanni napparsimmavimmut, Kalaallit Peqqissartut Illuanni sulisunut imal. Kalaallit Nunaanni Peqqinnissaqarfimmi siunnersortimut oqarasuaatikkut: 34 40 50 saaffiginnissinnaavutit.